

W sejmje serbsce rěčeli

Němski parlament wo naležnosćach mjeńšin wuradźował

Berlin (SN/MkWj). W zwjazkowym sejmje su minjeny pjatk wo mjeńšinach a jich rěčach debatowali, a to na lóštne wašnje bjez kóždeje politiskeje zwady. Při tym je so w najwysim politiskim gremiju Němskeje tež serbsce rěčalo.

Nastork k wuradźowanju bě 25. róčnica Europskeje charty regionalnych a mjeńšinowych rěčow, kotruž bě Europska rada 5. nowembra 1992 předpožila. Mjeztym je 25 krajow dokument ratifikowało. Němska bě jón 1998 připóznata a so zawjazala, mjeńšiny a jich rěče škitać.

Spolnomócnjeny zwjazkoweho knježerstwa za naležnosće mjeńšin a wusylencow Hartmut Koschyk (CSU) móžeše k zakónčenju swójeho zastojnstwa bilancować, zo je so na polu mjeńšin wjele docpěło. Wuraznje so wón knježerstwu dzakowaše, zo wotpowědne srědky pře-

wostaja, zo móhl na příklad mjeńšinowy sekretariat w Berlínje dźělać.

Nawodnica sekretariata, Serbowka Judith Wałdžic debatu na wopytowarskej tribunje sóšowaše runje tak kaž předsyda Domowiny Dawid Statnik, prezident Federalistiskeje unije europskich narodnych mjeńšin Loránt Vincze a delegacija mladych Serbow, kotraž je dny do toho w naležnosći mjeńšin po puću byla.

W diskusiji zapóstanicy wšitkich stron prócowanja mjeńšin wo zachowanje swójeje rěče a narodneje identity podpěrachu. Mnozy činjachu tole w swójeje maćeršćinje, přewažnje w delnjoněmčinje. Při tym na wulke strachy pokazachu, kotraž mjeńšinam hroža, hdyž rěč přichodnym generacijam dale njedawaja.

Jara naležnje činješe tole předsyda Zelenych Cem Özdemir. Wón w tym zwisku

nadpady na serbskich młodstnych runje tak šwikaše kaž wobrozenje serbskeho sydłenskeho ruma brunicy dla. Wuraznje wón wuzběhny, zo Serbja we Łužicy hźo 1 500 lět sydla, „dlěje hač Němcy“.

Ze serbskim „Witajće k nam“ serbska zapóstanča CDU Marja Michałkowa přitomnych zapóstanow a hosći postrowi. W swójeje dwurěčne přednesenej narěči wona wuzběhny, kak wažne Serbam pěstowanje maćeršćiny doma, w cyrkwjach, šulach, pěstowarnjach a w zjawnosći je. Wona zwjazka tole z přecorn, zo so tež přichodnje w zwjazkowym sejmje serbsce rěči, byrnež wona w přichodnej wólbnej dobje ze zapóstanču njebudže. Za to žněješe wutrobny příklesk.

Jednohósnnje zapóstanicy zwjazkowe knježerstwo namotwachu, rólu mjeńšin w Němskej dale sylnić a wutwarić.